

金龜塘在城南十五里塘中有一小山山頭似金龜其水秋冬不涸

隴塘在城西六十五里秋冬不涸灌田五百餘畝
賀塘在城西六十五里灌田三百餘畝

四陂塘在城西六十五里塞水灌田六百餘畝

橫山口蘇橋河發源一自信江離城四十里一自
埒背離城三十里二水至橫山口蘇橋合流經塘
村石墨新宅共六里至白鏡橋直通六圈橋大灣
與鱧魚陡水合入大河

新宅陡在城西三十六里

上耳陡去新宅十六里

遶江廟門陡去上耳三里相近有黃嶺背陡

周陂頭陡去廟門六里

石架橋陡去周陂三里

六圈橋上陡去石架二里自橫山口蘇橋河至六
圈各陡俱在西鄉雍正十一年採紳民公議於水
陡水淺處酌量建陡遇旱得資灌漑并將一路白
鏡步塘周陂等低橋架高以通行舟

靈川縣

灑江水一來自東北至興安縣分水塘分流而南
一來自西北由湖廣城步縣經縣治貝子嶺六都
一圖地方至甘棠渡白石潭歸入灑江隨處築堰